

Yeah

'E frate mi' scriveno strofe  
(Ca nn'trovano pace)  
Ca nn'trovano pace  
E traseno 'ncapa  
(Fuossera)

Qual è (Qual è?) 'o limite che divide Marianella cu Piscinola?  
Scimmie 'ncopp'ê tube, simile 'o modo 'e fà 'e furte  
"Stavota è l'urdema", ce dice ô giudice  
Ma appena jesse, squaglia 'a carta  
Svacanta appartamenti sane  
Succede chesto 'a nord 'e Napule  
Se trasferisce 'int'ê residenziale chi capisce  
Matarazze, fiato 'e piscio  
M'arritiro, nn'ce sta spazio  
'O Lù, chiude 'o lucchetto e miette pericolo 'int'ê cunte  
Nun saje a chi 'ncuntre  
T'informe quanno scinne 'a Lundra a Capedichino  
Vonno stà contro, stritto cu chi dico i'  
Peppe, O'Iank, Ciccio, Paolo, Junior  
Chesta è l'unione, l'Italia gode 'ncopp'ô suono  
'E n'episodio nuovo  
Eh sì, poesia benediciuta dê bonanime  
Datece 'a forza pecché simmo fragile, fraceche  
Maschere ca annascunnenno lacrime umane  
Racconto 'e penziere pesante sicondo

Te dico "Antò, chesto è 'o stile mio e tu 'o ssaje bbuono"  
Tornanno areto quanno 'o rap era overo  
I' tengo ancora mmano chella penna addò ancora i' spero  
'A musica, quanno 'e debolezze pigliano pere  
Crampe 'ncapa quanno na femmena manca  
Quanno nu fierro te fa scennere 'a 'int'â machina  
I' penzo a mme, c''o crocifisso 'nganna  
Che m'arrepara da ll'affanno 'e 'st'anema dannata  
'O rap comme documento  
L'odio comme 'o meglio sentimento  
Senza pentimento e fà 'e buccine ê benpensante  
'Sta robba segna 'a dinto comme 'o disco d''e Co'Sang  
Fuossera so 'e cumpagne, 'o rione è 'o sfonno d''o quadro  
Passanno ll'ore a parlà d''e guardie  
Ccà abbascio po' 'e scieme se fanno accidere p''e femmene  
I' me chiudo 'int'â musica comme fosse terapia  
Ammore a primma vista i' e 'sta poesia

'Sto ffuoco s'avvicina sempe cchiù 'e faccia  
Volano 'e scarde e vi appicciate  
Se fanno male, vonno fà 'e tuoste, ma scrivono robba banale  
So' penziere ca scamazzano  
Veco facce tagliate e aneme segnate  
Costantemente saglieno 'e vigile, mente squagliate  
Piscinola bloccata 'int'ô sistema  
Ccà 'a terra tremma tutt''e juorne  
Spalle che se toccano, incroci ll'uocchie  
'E crocchie s'accruocchiano  
Fuossera e Co'Sang, 'sti carne parlano, 'a chiesa nun accetta

In Nigeria l'AIDS 'e piglia pe pietto  
Poche anne 'e vita e 'int'a niente cadeno  
'O lato nuosto cumbatteno  
Pe na mappata 'e foglie 'e carta e quattro piezze 'e fierro  
Nome e cugnome 'ncopp'è manifeste co nu sciuscio 'e viento  
Carica 'a penna, Luchè  
Concette 'e chiummo coglieno 'e strisce  
Fasce 'e luce 'e 'ste stelle che ancora vivono  
L'asfalto volle sott'è rote, 'e polse s'abbruciano  
'E registe 'e 'sta pellicola nun se fermano  
Magnano e fotteno senza scrupolo  
Ma quanno schiattano?

È poesia cruda  
Paura 'int'a ll'uommene criature  
Mietto l'anema 'int'è dische pecché haje visto  
Juorne comm'a chisti addò niente è sicuro  
Na femmena magna e giura, e campa 'int'è suonne  
'E n'ommo ca nun l'ha maje toccata  
Manco quanno è juorno  
Venimmo addò se chiagne e l'aria feta 'e sanghe  
E niente cagna  
L'affetto è na conquista pe chi è figlio 'e nisciuno  
Nun esiste muro che chiude 'sta poesia cruda

'O consumismo consuma tutt''e forze  
Se fanno 'e corze p'essere 'e primme  
Se cresce sott'è pregiudizie  
'E giurnaliste scriveno 'o favezo p''e ggiuvane 'ncopp'è riviste  
Lista 'e strunzate dint'è palinseste arrivanoo 'a destra e sinistra  
Piscinola, nun è tutto sbagliato  
Arraggiuno, pigliammo 'o meglio 'a dint'ò peggio  
Lontano dê vizie se suda, 'a legge nun se ne cura  
Piglia na seggia e dimme che haje visto  
Avisa purtà giustizia, ma sî 'o primmo a fà 'a merda  
I' nun generalizzo, ma spisso me perdo e niente ce capisco  
Ammiscanno bene e mmale producimmo duje dische  
Rischie e paure 'int'è parole crude 'e chist'ommo  
'A cronaca 'e tutt''e juorne rompe 'o stommaco  
Pure s'allunghe 'e mmane pe tuccà 'a fortuna  
Femmene annure vonno 'e sorde e no l'uommene  
Merdille 'ncopp'ò Vommero a fà 'e strade  
A tredic'anne 'o munno è 'o lloro  
Mo l'euro costa cchiù d''o dollaro e sta 'a famme a ll'uocchie

Già se sente addore 'e ll'aria  
Nu specchio 'e luce 'nfacc'ò muro addò 'a sentenza cade  
Luntano nun se guarda, nun è chiaro  
Addò 'o scenario varia 'int'a n'istante  
Na stretta 'e mano vacante ce ha acummannato 'o munno  
Addò 'e nennelle fotteno pe robba bianca e fummo  
Veco solo facce stanche  
E mentre ll'uocchie chiagneno lacrime e sanghe  
Storie pesanti e d''o nero cchiù scuro  
Danno spunti 'o disappunto e Poesia Cruda  
Carte stampate fanno grigie 'e culure che ammire  
'O russo 'nfaccia 'e chi coltiva e votta botte sott'ò niro  
Sempe cchiù raro  
Chi sente a chi ha guardato 'a dint'ò fierro 'o mare  
Sape che 'o munno è fetente  
Tenta 'o lamiento e chi nun 'o sente cade  
Vuttate annanze 'a stimole  
Fotto i' a chi fotte 'e singole

Etere e effimero p''o minimo, crideme  
Fierre e tarantelle sfonnano 'e cervelle  
Piscinola, marchiata a fuoco 'ncopp'â pelle

È poesia cruda  
Paura 'int'a ll'uommene criature  
Metto l'anema 'int'ê dische pecché haje visto  
Juorne comm'a chisti addò niente è sicuro  
Na femmena magna e giura, e vive 'int'ê suonne  
'E n'ommo ca nun l'ha maje toccata  
Manco quanno è juorno  
Venimmo addò se chiagne e l'aria feta 'e sanghe  
E niente cagna  
L'affetto è na conquista pe chi è figlio 'e nisciuno  
Nun esiste muro che chiude 'sta poesia cruda